

經部

欽定四庫全書 原 ていりこ これ 尚書要義卷七 阙 お書一八見 宋 魏了翁 撰

|   |      |   | <br>         | -        |      |       |
|---|------|---|--------------|----------|------|-------|
|   |      |   |              |          |      | 金少正是人 |
|   |      |   |              |          |      | B     |
|   |      |   |              |          |      |       |
|   |      |   |              |          |      |       |
| İ |      |   |              |          |      | 巷     |
|   |      |   |              |          |      | * 七   |
|   |      |   | '            |          |      |       |
| : |      | İ |              |          |      | ·     |
|   |      |   |              |          |      |       |
| 1 |      |   |              |          |      |       |
|   |      |   |              |          |      |       |
|   |      |   |              |          |      |       |
|   |      |   |              |          |      |       |
| i |      |   |              |          |      |       |
|   |      |   |              |          |      |       |
|   | <br> |   | <br><u> </u> | <u> </u> | ليني |       |

1777 19 191 AL MAS 欽定四庫全書 原閘 尚書要義卷八 尚書要義 宋 魏了前 撰

| • | η        | -1 | Ŧ | <br> | 1  | Ŧ | Ī   | <del>-</del> ī | <br>左   |
|---|----------|----|---|------|----|---|-----|----------------|---------|
|   | :        |    |   |      |    |   |     |                | 3.4     |
|   |          |    |   |      |    |   |     |                | U       |
|   |          |    |   |      |    |   |     |                | 1       |
|   | 1        |    |   |      | 1  |   |     |                | 金さくせんとき |
|   |          |    |   |      |    |   |     |                | Ē       |
|   |          |    | - |      | 1. |   |     |                |         |
|   |          | -  |   |      |    | İ |     |                |         |
|   | <u> </u> |    |   |      |    |   |     |                | ١.      |
|   |          |    |   |      |    |   |     |                | 表八      |
| ٠ |          |    |   |      | 1  |   |     |                |         |
|   |          |    |   |      |    |   |     |                |         |
|   |          |    |   |      |    |   |     | -              |         |
|   | 1        |    | • |      |    |   |     |                |         |
|   |          |    |   |      |    |   |     |                |         |
|   |          |    |   |      |    |   |     |                |         |
|   | ,        |    |   |      |    |   |     | . }            |         |
|   |          |    |   | 1    |    |   |     |                |         |
| . | 1.       | -  |   |      |    |   | - } |                | 1       |

飲定四庫全書 原 ス こりって ハトー 閼 尚書要義卷九 宋 魏了翁 撰

|   |   |  |  | <br>   |
|---|---|--|--|--------|
|   |   |  |  | 金月口及人主 |
|   |   |  |  |        |
| 1 |   |  |  | 表九     |
|   | • |  |  |        |
|   |   |  |  |        |

尚書要義卷十四

經部

詳校官監察御史臣查善長

通政使司副使臣莫瞻菜覆勘 校對官中書臣馬 總校官進士臣朱

腾録監生臣朱

林中鈴

たとうらんう 而文王卒武王三年服果觀兵盖 一般周自虞为質威成諸侯並附以 尚書爱義 通數文王受命之年 一路侯愈同乃退以示弱一月戊 魏了翁 撰 武成篇云我文考文王誕膺天命以無方夏惟九年 之其年一月戊午之日師渡孟津王誓以戒衆史叙其 伐紂作泰誓三篇渡津乃作正義曰惟火王受命十 午師渡孟津十三年正月二十八日便與諸侯期而 年武王服喪既軍舉兵伐殷以卜諸侯伐斜之心雖 作泰誓三篇 **侯愈同乃退以示弱至十三年紂惡既盈乃復往伐** 二大王享國五十年傅以諸侯並附改元

金りじた

久己口中心与 時猶在但未知崩月就如暮春即崩武王服喪至十 書云文王受命九年惟暮春在錦台太子發作大傳 文王卒至此十一年武王居父之喪三年服畢也案周 周自虞芮質厥成諸侯並附以為受命之年至九年而 成毛傳稱天下聞虞芮之訟息歸周者四十餘國故知 統未集則文王九年而卒也無逸稱文王享國五十年 元年至九年而卒至此年為十一年 也詩云虞芮質厥 嗣位至卒非徒九年而已知此十一年者文王改稱 尚書要義

崩時武王已八十三矣八十四即位至九十三而崩適 言受命者謂有黄龍玄龜白魚亦雀負圖街書以命 云文王九十七而終武王九十三而終計其終年文王 年三月大祥至四月觀兵故令文泰誓亦云四月觀兵 知此十一 而生武王則武王少文王十四歲也禮記文王世子 十年不得以十三年伐紂知此十一年者據文王受 而數之必繼文王年者為其卒父業故也緝候之 年非武王即位之年者大戴禮云文王十

金ジヒノ

1: --

故九年文王卒至此三年服畢此經武王追陳前事云 成有一德傳云所征無敵謂之受天命此傳云諸侯並 ・ ハンブライントラ 者止為觀兵孟津以卜諸侯伐紂之心言于商知亦至 命七年而崩不得與孔同耳三年之喪二十五月而畢 也史記亦以斷虞芮之訟為受命元年但彼以文王受 附以為受命之年是孔解受命皆以人事為言無瑞應 主其言起於漢哀平之世經典無文馬孔時未有此說 予小子簽以爾友邦家君觀政于商是十一年代於 尚書母義

孟津也 金グロルノニー 誓則經有年有春故畧而不言年春止言一月使其互 戊午日非是十一年正月也序不别言十三年而以 津又云戊午次于河朔知此一月戊午是十三年正月 相足也戊午是二十八日以歷推而知之據經亦有其 接十一年下者序以觀兵至而即還界而不言月日 月戊午乃是作誓月日經言十三年春大會于孟 月謂十三年正月武王未改正

灰足四東 二三 月發行正月四日殺紂既入商郊始改正朔以殷之 卦家曰湯武革命順乎天而應乎人象曰君子以治悉 明時然則改正治歷必自武王始矣武王以殷之十 武成經言一月故此序同之武成所以稱一月者易草 數之知戊午是二十八日也不言正月而言一月者以 非 驗漢書律歷志載舊說云死魄朔也生魄望也武成篇 朔是為月二日也二日壬辰則此月辛卯朔矣以次 此伐紂之事云惟一月壬辰旁死魄則壬辰近朔而 尚書委義

云大熟未集欲卒父業也禮記大傅云收之野武王之 朔布王號於天下鄭玄依而用之言文王生稱王己改 故史以一月名之顧氏以為古史質或云正月或云 をうりしいとこ 若大王身自稱王已改正朔則是功業成矣武王何得 月不與春秋正月同義或然也易緝稱文王受命改正 正然天無二日土無二王宣得殷紂尚在而稱周王哉 正月改正在後不可追名為正月以其實是周之一月 月為周之二月其初發時插是殷之十二月未為周之

7/m/19 10 /1/19 撫諸呼文王為王是後人追為之解其言未必可信亦 大王世子稱武王對大王云西方有九國馬君王其終 其不可注公羊以為春秋制文王指孔子耳非周昌也 之王自是當時之王非改正之王晉世有王愆期者知 大事也既事而退追王大王亶父王季歷文王昌是追 文王所改公羊傳漢初俗儒之言不足以取正也春秋 為王何以得為文王身稱王已改正朔也春秋王正月 謂周正月也公羊傳曰王者孰謂謂文王其意以正為 尚書要義

金げてんノニー 之孟津言師渡孟津乃作泰誓知三篇皆渡津乃作也 然則中篇獨言戊午次于河朔者三篇皆河北乃作分 **孟者河北地名春秋所謂向盟是也於是孟地置津謂** 為三篇耳上篇未次時作故言十三年春中篇既次乃 非實也 引故文不同 作故言戊午之日下篇則明日乃作言時厥明各為首 四孟在河北渡津乃作泰誓三篇 卷十

多疑之馬融書序曰泰普後得案其文似若淺露又云 漢 初惟有二十八篇無泰誓矣後得偽泰誓三篇諸儒 至於王屋流為爲五至以穀俱來樂火神怪得無在子 臧者安國之從凡也與安國書云時人惟聞尚書二十 尚書遭秦而亡漢書不知篇數武帝時有太常勢侯孔 一百諸侯不召自來不期同時不謀同解及火復於上 一篇取象二十八宿謂為信然不知其有百篇也然則 五孔臧謂唯聞書象二十八宿不知有百篇

久の回東へい可

尚書要義

矣王肅亦云泰誓近得非其本經馬融惟言後得不知 無良今文泰誓皆無此語吾見書傳多矣所引泰誓而 予武惟朕文考無罪受克予非朕文考有罪惟子小子 泰誓曰我武惟楊侵于之疆取彼凶殘我伐用張于湯 語引泰誓曰朕夢協朕卜襲于休祥戎商必克孟子引 有光孫卿引泰誓曰獨大受禮記引泰誓曰予克受非 不在泰誓者甚多那復悉記略舉五事以明之亦可知 不語中乎又春秋引泰誓曰民之所欲天必從之國

金グに

スコランニラ 不為偽書作傅不知關何由為此言梁主無而存之言 矣李颙集尚書於偽泰誓篇每引孔安國曰計安國必 為爲周公曰復哉復哉令引其文是武帝之時已得之 董仲舒對策云書曰白魚入于王舟有火復于王屋流 漢書婁敬説高祖云武王伐紂不期而會盟津之上者 八百諸侯偽泰誓有此文不知其本出何書也武帝時 何時得之 六妻敬董仲舒所引偽泰誓有其文 尚書要義

狄此周之孟春正義曰論語稱三分天下有其二中篇 惟 事也且觀兵示弱即退復何華之有設有其誓不得同 篇上篇觀兵時事中下二篇亦伐紂時事非盡觀兵時 泰誓觀兵時事別錄之以為周書此非解也彼偽書三 以泰誓為篇名也 本有兩泰誓古文泰誓伐紂時事聖人取為尚書今文 十有三年春大會于孟津三分有二之諸侯及諸戎 七十有三年春謂周之孟春以三統歷知之

子之月也知者案三統歷以殷之十二月武王發師至 月也 庸蜀羌勢微盧彭濮人知此大會謂三分有二之諸侯 言學后以師里會則周之所有諸國皆集收誓所呼有 月甲子咸劉商王紂彼十二月即周之正月建子 、諸戎狄皆會也序言一月知此春是周之孟春謂建 口嗟我友邦家君越我御事庶士明聽誓家大御治 友邦親之冢君尊之

2.1951 July

尚書要義

金厂口屋全世 友諸侯親之稱大君尊之 地之性人為貴此經之意天地是萬物之父母言天地 禮運云人者天地之心五行之端也食味别聲被色而 古者臣有大功乃得繼世在位而紂之官人不以賢才 生者也言人能無此氣性餘物則不能然故孝經云天 /意欲養萬物也人是萬物之最靈言其尤宜長養也 +官人以世不以賢才 九人無氣性故為貴為靈

欠い可事(よう 也然則樹是臺上之屋敷前無室今之聽是也 而高口臺孫炎口樹但有堂也郭璞口樹即今之堂塩 之所以觀望也臺上有屋謂之樹又云無室曰樹四方 釋官文云閣謂之臺有木者謂之樹李巡曰臺積土為 惡或當因兄用弟故以兄協句耳 政亂官人以世惟當用其子耳而傳魚言兄者以約為 而以父兄已濫受電子弟頑愚亦用不堪其職所以 十閣謂之臺樹是臺上屋今之聽是也 尚書要義

金りしん ニー 云冢土大社也受命文考是告廟以行故為告文王廟 之君作之師師謂君與民為師非為别置師也 治民之謂君教民之謂師君既治之師又教之故言作 是祭社曰宜冢訓大也社是土神故冢土社也毛詩傳 必先有事乎社而後出謂之宜孫炎曰宜求見福祐也 釋天引詩云乃立冢土戎醜攸行即云起大事動大衆 1受命文考告廟宜于冢土祭社 君與民為師非别置師

火足四年八二丁 商郊去河四百餘里戊午渡河甲子我紂相去纔六日 之北也莊三年左傳例云凡師一宿為舍再宿為信過 信為次此次直取止舍之義非春秋三日之例也何則 未及止舍而先誓之此次于河朔者是既誓而止於河 日次于河朔則是師渡之日次止也上篇是渡河而誓 序云一月戊午師渡孟津則師以戊午日渡也此戊午 也王制云天子將出類乎上帝宜乎社造乎禍 四六日行四百餘里故次河朔非三日止 尚等要義

旁也 吉人竭日以為善山人亦竭日以行惡 惟受罪浮于祭浮過正義曰案夏本紀及帝王世紀云 耳是今日次記又誓明日誓記即行不容三日止于河 聞古人為善惟日不足凶人為不善亦惟日不足言 **使叛樂屬龍進引皇圖而諫恭殺之伊尹諫禁禁曰** 五古人竭日以為善 **計受罪浮于禁** 

长十

いたりるとは 夢者事之祥人之精典先見者也吉凶或有其驗聖王 無之 其心無我龍逢無剖心之事又禁惟此之於日紂乃責 採而用之我卜伐紂得吉夢文戰勝禮記稱卜筮不相 命於天又紂有炮烙之刑又有刳胎斮脛之事而禁皆 輔謂已有天命而云過於禁者殷本紀云紂剖比干觀 天之有日如吾之有民日七吾乃七矣是禁亦贼虐孰 七此言夢下協史記從六韜言不吉者非 尚馬要義

金グロググニー 太公曰枯骨朽著不踰人矣彼言不吉者六韜之書後 皆懼惟太公强之太公六韜云卜戰龜兆焦筮又不吉 約必克之占也聖人逆知來物不假夢上言此以强軍 襲襲者重合之義訓我為兵夢上俱合於美是以兵誅 受有億兆夷人離心離德平人凡人也雖多而執心用 人之意耳史記周本紀云武王伐紂卜龜兆不古羣公 人所作史記又採用六韜好事者妄於太公非實事也 ·夷人謂平人服杜謂夷秋非

與孔子口必也臨事而懼令軍士等不欲發意輕前人 ていつら たう 若林即曾無華夏人矣故傳訓夷為平 人為夷狄之人即如彼言惟云億兆夷人則受率其旅 其 必以前敵為可畏也論語稱子路曰子行三軍則誰 徳不同正義曰此二十二年左傳此文服度杜預以夷 老子云褐莫大於輕敵故令將士無敢有無畏之心令 正義口弱勉釋訪文呼將士而誓之知夫子是將士也 九夫子謂將士勉以畏敵 尚書要義

金好口屋人一下 武王戎車三百輛兵車百夫長所載車稱輛一車步卒 寧執非敵之志恐彼强多非我能敵 誓牧誓至牧地而誓眾正義曰孔以虎賁三百人與戎 車數同王於誓時所呼有百大長因謂虎賁即是百大 也若虎實獸言其猛也皆百夫長與受戰于牧野作牧 七十二人凡二萬一千人舉全數虎賁三百人男士稱 一人而乘一車故云兵車百夫長所載也數車之 車七十二人孔以百大長所載釋之

舉全數 顧氏亦同此解孔既用司馬法一車七十二人 說車有兩輪故稱為兩猶屢有兩隻亦稱為兩詩云葛 とこりち ない 三百乘當有二萬一千六百人孔界六百而不言故云 優五兩即其類也一車步卒七十二人司馬法文也車 領百人非惟七十二人依周禮大司馬法天子六軍 又云兵車百夫長所載又下傳以百夫長為卒即是實 有七十二人三百乘凡二萬一千人計車有七十二人 車調之一兩詩云百兩近之是車稱兩也風俗通 尚書要我

金厂工厂厂工 步卒七十二人至於臨敵對戰布陣之時則依六鄉軍 遂為副若鄉遂不足則徵兵於邦國則司馬法六十四 鄭云車亦有卒伍左傳戰于編葛杜注云車二十五乘 法五人為伍五伍為兩四兩為卒五卒為旅五旅為師 井為甸計有五百七十六夫共出長載一乘甲士三人 自六鄉凡起徒後無過家一人故 非直人數如此車數亦然故周禮云乃會車之卒伍 師為軍故左傅云先偏後伍又云廣有一卒卒偏之 鄉出一軍鄉為正

車而戰孔舉七十二人元科兵數者欲總明三百两人 前配車之人臨戰不得還屬本車當更以虎賣甲士配 為偏是車亦為卒伍之數也則一車七十二人者自計 上篇戊午次于河朔洛誥戊辰王在新邑與此甲子皆 之大數云兵車百夫長所載者欲見臨敵實一車有百 2/2./Dis 1. Lilia 元科兵之數科兵既至臨時配割其車雖在其人分散 既虎黄與車數相當又經稱百夫長故孔為此說 二此篇甲子猶洛誥戊辰皆無月 尚書要義 古

金八匹屋ノニモ 子之日是周之二月四日以思推而知之也 里或當有所據也皇甫證云在朝歌南七十里不知出 言有日無月史意不為編次故不具也是克紂之月里 故言野耳詩云于牧之野禮記大傅云牧之野武王之 夜陳甲子朝誓將與紂戰正義曰傳言在紂近郊三十 王朝至于商郊牧野乃誓紂近郊三十里地名投癸亥 何書也言至于商郊牧野知牧是郊上之地戰在平野 :"牧野近郊三十里夜陳朝誓

つかり 入江町 八 尚書要義 朝而誓衆 徒司馬司空治事三卿司徒主民司馬主兵司空主 武成云癸亥夜陳未畢而雨是癸亥夜已布陳故甲子 王曰嗟我友邦冢君同志為友言志同滅紂御事司 於郊乃復倒退適野誓記而更進兵乎何不然之甚也 故至牧野而誓案經至于商郊牧野乃誓豈王行已至 大事繼收言野明是牧地而鄭云郊外曰野將戰于郊 二孔云三卿指誓戰者時有六師應有六卿

金少匹压公言 故以亞次名之謂諸是四命之大大在軍有執事者也 師氏亦大夫其官掌以兵守門所掌尤重故别言之周 此及左傳皆鄉下言亞旅知是大夫其位次卿而數象 宗司寇也其時六卿具否不可得知 已置六卿今呼治事惟三卿指誓戰者故不及太宰太 土指誓戰者正義口孔以於時已稱王而有六師亦應 師氏中大夫使其屬即四夷之禄各以其兵服守王 **四亞旅衆大夫師氏亦大夫** 

戎狄屬文王者國名也此八國皆西南夷也文王國在 於西故西南蠻先屬馬大劉以蜀是蜀郡顯然可知故 内者也守之如守王宫 江漢之南正義曰八國並非華夏故大判言之皆蠻夷 國名羌在西屬史琴微在巴蜀盧彭在西北庸濮在 及庸屬羌茅微盧彭漢人八國皆蠻夷戎狄屬文王者 '門外朝在野外則守內列鄭玄云內列蕃管之在 正庸蜀等八國西南夷屬文王者

アハンローコー 人子に

尚書要義

**曳者漢世西南之夷蜀名為大故傳據蜀而說左思蜀** 巴郡所治江州縣也盧彭在西北者在東蜀之西北也 蜀夷有名叟者也擊微在巴蜀者巴在蜀之東偏漢之 孔不說又退庸就濮解之故以次先解羌云羌在西蜀 文十六年左傳稱庸與百漢代楚楚逐滅庸是庸濮在 騰劉範謀誅李惟益州收劉馬遣更兵五千人助之是 故云西蜀叟叟者蜀夷之别名故後漢書與平元年馬 都賦云三蜀之豪時來時往是蜀都分為三羌在其西

こうこう!!! 雖異其形制則同此云舉戈宜舉其長故以戈為戟也 尋口常然則戈戟長短異名而云戈者即戟戈戟長短 考工記云戈松六尺有六寸車或常鄭云八尺日尋倍 義曰方言戟恭謂之干吳楊之間謂之戈是戈即戟也 方言又云楯自闖而東或謂之楯或謂之干闖西謂之 稱爾戈比爾干立爾矛子其誓稱舉也戈戰干槍也正 江漢之南 六戈戟長短異形制同干即楯 当書、火花

矣 金斤匹庫全書 則家盡婦奪夫政則國亡正義曰婦人不當政是別內 唇奪厥遺王父母弟不廸王父祖之昆弟母弟同母弟 外之分若使賢如文母可以與助國家則非批雞之喻 北雞之晨惟家之索索盡也喻婦人知外事雌代雄鳴 楯是干楯為一也 七 北雞無晨若賢如文母則非此喻 棄王父弟及母弟舉尊親以見早疏

次定四軍全十二 華山桃林之牧地識其政事記識殷家政教善事以為 武王伐殷往伐歸獸往誅紂克定偃武修文歸馬牛於 稱弟凡春秋稱弟皆是母弟也母弟謂同母之弟同 言棄其骨內不接之以道正義曰釋親云父之考為王 母尚棄别生者必棄矣舉尊親以見早疎也 父則王父是祖也紂無親祖可棄故為祖之昆弟棄 其祖之昆弟則父之昆弟亦棄之矣春秋之例母弟 ·住伐 謂誅於歸獸歸馬牛 尚書要義

戊午已下又是史叙往伐殺紂入殷都布政之事無作 自予小子至名山大川言已承父祖之意告神陳約之 左傳首優禱河云無作神羞其官臣偃無敢復濟惟爾 法作武成武功成文事修 神羞以下惟告神其解不結文義不成非述作之體案 罪也自曰惟有道至無作神羞王自陳告神之辭也既 :神裁之蒯聵祷祖云無作三祖羞大命不敢請佩玉 +\*武成篇大聚百官惟誦禱辭必有脱錯

スショランラ 壁得之始有脱漏故孔稱五十八篇以外錯亂磨滅不 受周命王當有以戒之如湯誥之類宜應說其除害與 羞下更無語直是與神之言猶尚未記且家君百工初 經失其本所以解不次耳或初蔵之日已失其本或壞 不敢爱彼二者於神羞之下皆更申己意此經無作神 惟誦禱解而已欲征則殷勤誓衆既克則空話禱神聖 民更始創以為惡之禍勸以行道之福不得大聚百官 '有作理必不爾竊謂神羞之下更合有言簡編斷絕 尚書要義

既取其文為之作傳配云有所失落不復言其事耳 誓序云一月戊午師渡孟津泰誓中篇云惟戊午王次 事也一月壬辰旁死魄謂伐紂之年周正月辛卯朔其 月三日發錦京始東行也其月二十八日戊午渡河泰 正義曰此歷叙代紂往反祀廟告天時日説武功成之 可復知明是見在諸篇亦容脱錯但孔此篇首尾具足 二日是壬辰也翌日癸已王朝步自周于征伐商謂正 正月往代四月告成史歷紀月日

功史叙其事見其功成之次也漢書律歷志引武成篇 越三日唐戍柴望二十二日也正月始往代四月告成 生明其日當是辛卯也丁未祀于周廟四月十九日也 于征伐紂越若來二月既死魄越五日甲子咸劉商王 云惟一月壬辰旁死魄若翌日癸已武王乃朝步自周 朔厥四月哉生明王來自商至于豐謂四月三日月始 于河朔是也二月辛西朔甲子殺紂誓云時甲子昧爽 乃誓是也其年閏二月庚寅朔三月庚申朔四月已丑

欠己日重人言

尚書要義

是建子之月殷十二月也此月辛卯朔朔是死魄故月 將言武成遠本其始此本 說始代紂時一月周之正月 後又七其篇鄭玄云武成逸書建武之際亡謂彼偽武 經不同彼是焚書之後有人偽為之漢世謂之逸書其 辛亥祀于天位越五日乙卯乃以無國祀于周廟與此 約惟四月既旁生魄越六日東戊武王燎于周廟真日 一旁死魄哉生魄謂月二與十六

猶今之將言日必先言朔也 六日也月十六日為始生魄是一日為始死魄二日近 朔後明生而魄死望後明死而魄生律歷志云死魄朔 死魄也一顧氏解死魄與小劉同大劉以三日為始死魄 也生魄望也顏命云惟四月哉生魄傅云始生魄月十 一日為旁死魄旁死魄無事而記之者與下日為發端 日近死魄魄者形也謂月之輪郭無光之處名魄也 ブニー ハニニ 周去孟津千里行二十五日 当十 要義 Ī

魄俱是月初上云死魄此云生明魄死明生五言具 其四月此代商之四月也哉始釋站文顏命傳以哉生 凡二十五日每日四十許里時之宜也詩云于三十里 周去孟津千里以正月三日行自周二十八日渡孟津 魄為十六日則哉生明為月初矣以三日月光見故傳 言始生明月三日也此經無日未必非二日也生明死 毛傳云師行三十里葢言其大法耳 四哉生明旁死魄俱是月初

望馬望是月半望在十六日為多通率在十六日者四 世之祖見是周廟皆祭之故經總云周廟也 既生魄庶邦冢君暨百工受命於周魄生明死十五日 てい 了いこ へいう 一後諸侯與百官受政命于周明一統正義日四月以 祖以下容殷廟也天子七廟故云文考文王以上 以成功該祭明其偏告羣祖知告后稷以下后稷 正祀周廟稷以下文以上 紅望在十六日者四分居三故生魄通言十五後 尚書要義

金少口尼任書 時諸侯已奔走執事宣得未受周命已助周祭明其受 受命于周繼生魄之言則受命在犯廟之前故祀廟之 十五日之後也丁未祀于周廟已是此月十九日矣此 魄謂庚戌以後雖十六日始生魄從十六日至晦皆為 却說受命故文在下耳诸侯與百官舊有未屬周者 分居三其一 今皆受政命於周於此時始天下一統也顧氏以既生 在祀廟前矣史官探其時日先言告武成既記然後 一在十五日耳此言既生魄故言魄生明死

周本紀云后稷卒子不密立卒子鞠陶立卒子公劉立 スピロラという 稱先王周語云昔我先王后稷又曰我先王不宜韋的 先王文在公劉之前知謂后稷也后稷非王尊其祖故 惟先王建邦啓土謂后稷也尊祖故稱先王正義曰此 生魄但不知庶戍之後幾日耳 云王之先祖故稱王商頌亦以契為玄王 八先公惟三人稱公公劉又稱名 上稷不宜皆稱先王契亦云玄王 尚書要花 ř

是公劉為后稷自孫也本紀云公劉之後有公非公祖 而卒故云大業未就也文王既未稱王而得報改元年 改矣汲冢竹書魏惠王有後元年漢初文帝二元景帝三 者諸侯自於其國各稱元年是己之所稱客或中年得 正義曰文王斷處为之訟諸侯歸之改稱元年至九年 稱公當時之意耳 )類知公是爵殷時未諱故稱劉名先公多矣獨三人 烂文王改元自於其國且容中年得改

與此異也自周適高路過河華故知所過名山華 くしつう シエラ 稱句龍為后土后土為社是也傷十五年左傅云戴皇 類于上帝宜于冢土故云后土社也昭二十九年左傅 禮天子出征必類帝宜社此告皇天后土即泰誓上篇 以為文王受命七年而崩故鄭玄等皆依用之 元此 必有因於古也伏生可馬選輯嬰之徒不見此書 而復后土彼晉大夫要秦伯故以地神后土而言之 + 后土是社所過山川謂河華 尚書要義

金厂 巴居全重 辭大正以兵征之也正義曰言已有道所以告神求助 川河也 享之意 臨祭祀内事曰孝子某侯某外事曰曾孫某侯某哀二 曰惟有道曾孫周王發將有大正于商告天社山川之 不得飾以識辭也稱自孫者曲禮說諸侯自稱之辭云 一左傅蒯曠禱祖亦自稱自孫旨是言已承籍上祖真 自孫諸侯自稱之解

歌出四百里五日而至赴敵宜速待天休命謂夜雨止 悉以紂為淵數集而歸之與孔異也 讀為便昭七年左傳引此文杜預云萃集也天下逋逃 為天下逋逃主萃淵數逋亡也天下罪人逃亡者而於 為魁主窟聚淵府數澤言大姦正義曰據傳意主字下 既戊午師道孟津癸亥陳于商郊俟天休命自河至朝 CLID TO LILLS 三 通孟津陳商郊五日行四百里 四逋逃主萃淵藪據傳意主字下讀與杜具 尚書要義 Ĭ

果陳 金少正正生 於文次當承自周于征伐商之下此句次之故云既戊 失其本經故文無次第必是王言既終史乃更叙戰事 既戊午至我師正義曰自此以下皆史解也其上闕絕 至今文章之士雖民論國事莫不稱我 午也史官叙事得言罔有敵于我師稱我者猶如自漢 四據世紀則武王本期甲子故速行 既戊午以下史解當承于征伐商之文

大学日子人 吾雨而行所以救膠萬之死也遂行甲子至于商郊然 我欺王曰不子欺也將之殷膠屬曰何日至王曰以甲 王曰卒病請休之王曰吾已令膠鬲以甲子報其主矣 王問曰西伯將馬之王曰將攻薛也勝萬曰願西伯無 子日以是報矣膠園去而報命於約而雨甚軍卒皆速 宜速也帝王世紀云王軍至鮪水約使膠鬲候周師見 亥已陳于商郊凡經五日日行八十里所以疾者赴敵 正義曰出四百里驗地為然戊午明日猶誓于河朔祭 尚書要義

書吾於武成取二三策而已仁者無敵於天下以至仁 其能破强敵虚言之耳自攻於後以北走自攻其後必 詩亦云其會如林言盛多也本紀云紂發兵七十萬人 則本 期甲子故速行也 距武王紂兵雖則衆多不得有七十萬人是史官美 不仁如何其血流漂杵是言不實也 不多血流漂春杵甚之言也孟子云信書不如無 如史記紂軍七十萬及此血流漂杵皆虚言 卷十

為錢也 年晋悼公初立施舍已責成二年楚將起師已責整 臺之財則非一物也史記作錢後世追論以錢為主耳 周禮有泉府之官周語稱景王鑄大錢是周時已名息 施舍己責救之賙無所謂周有大發正義曰傳成十 新序云鹿臺其大三里其高千尺則容物多矣此言鹿 てんりなしたまに 如史記作鹿臺之錢周時已名泉為錢 四孔以大資為施舍已責救之賙無 尚書要義 Ī

定五年歸栗於蔡以賙急於無資也杜預以為施恩惠 知周公制禮亦然與否孟子云北宫飾問於孟子曰周 為三品正義曰爵五等地三品武王於此既從殷法未 列爵惟五即所識政事而法之爵五等公侯伯子男分 舍勞役也已責止通責也皆是恤民之事故傳引之 惟三列地封國公侯方百里伯七十里子男五十里 班爵禄如何孟子曰其詳不可得聞矣當聞其略天 加爵五等地三等武王從殷法

武王時大國百里周公制禮大國五百里王制之注具 漢書地理志亦云周爵五等其土三等也公侯百里伯 寬大皆違禮文乃除去本經妄為說斗鄭玄之徒以為 徒云諸公之地封疆方五百里侯四百里伯三百里子 云千乘之國百里之國也謂大國惟百里耳周禮大司 七十里子男五十里漢世儒者多以為然包咸注論語 子之制地方千里公侯方百里伯七十里子男五十里 二百里男一百里益是周室既衰諸侯相并自以國土 111/101/ 尚書要義

金厂巴正人工 尚書要義卷十

人人のほどい 武王勝段殺受立武與不放而殺約自焚也武與約千 欽定四庫全書 作之正義曰武王伐殷既勝殺受立其子武庾為後以 以為王者後一名禄父以其子歸作洪範歸錦京其子 尚書要義卷十 武王立武與為段後以其子歸錦 洪範 尚書要義 魏了翁 撰

兵敗紂走入登鹿臺衣其實玉衣赴火而死武王遂斬 紂頭懸之太白旗是也泰誓云取彼凶殘則志在於殺 湯放祭此不放而殺之者紂自焚而死也殷本紀云紂 事作洪範 箕子歸 鶴京訪以天道箕子為陳天地之大法叙述 死猶斬之則生亦不放傳據實而言之 三禄父如考父行父未是字 二約自焚死武王斬之故云殺

欠了了五百日 正義曰上篇云至于豐者文王之廟在豐至豐先告廟 故博言一名禄父 有齊侯禄父蔡侯考父李孫行父父亦是名未必為字 公子禄父是一名禄父也鄭云武庚字禄父春秋之世 也本紀武唐禄父雙言之伏生尚書傅云武王勝殷繼 本紀又云封約子武唐禄父以續殷祀是以為王者後 時王都在錦知歸錦京也此經文古異於餘篇非直 四武王都錦上篇至豐謂先告之廟 尚書要義

云勝殷以其子歸明既釋其囚即以歸之不令其走去 書傳云武王釋箕子之囚箕子不忍周之釋走之朝鮮 問答而已不是史官叙述必是其子既對武王之問退 金ケロレノニ 禮故於十三祀來朝武王因其朝而問洪範案此序 而後來朝也又朝鮮去周路將萬里聞其所在然後封 武王聞之因以朝鮮封之至子既受周之封不得無臣 而自撰其事故傳持云箕子作之 五封朝鮮與問洪範之先後書傳史記異

これのできたいう 箕子稱犯不忘本也此篇箕子所作箕子商人故記傳 日年釋天文案此周書也泰誓稱年此獨稱犯故解之 年四月歸宗周先告武成次問天道正義曰商曰祀周 惟十有三祀王訪于箕子商口祀其子稱祀不忘本此 引此篇者皆云商書曰是箕子自作明矣序言歸作洪 之受封乃朝必歷年矣不得仍在十三祀也宋世家云 既作洪範武王乃封箕子於朝鮮得其實也 六其子稱祀不忘本 尚書要義

金グビルノニを 範 似歸即作之姓在武成之前故云此年四月歸宗周 **谐合其生出言是非立行得失衣食之用動止之宜無** 傳以騰即質也質訓為成成定義故為定也言民是上 助也協合也助合其居者言民有其心天佑助之令其 氣流形各有性靈心識下民不知其然是天點定也相 先告武成次問天道 、所生形神天之所授故天不言而點定下民羣生受 七天默定下民助合其居業

次定四事全事 道則五行皆失矣是塞洪水為亂陳其五行言五行陳 常主之資九畴施之於民皆是天助之事也此問答皆 賦命於人授以形體心識乃得佑助語合其居業使有 水是五行之一水性下流縣反塞之失水之性水失其 言乃者以天道之大沈吟乃問思慮乃答宣八年公 羊傳口乃緩醉也 不專諸上天乃得指合失道則死合道則生言天非徒 水失其道則五行皆失 尚書要義

書五行志劉歆以為伏義繁天而王河出圖則而畫之 是書也而云天乃錫禹知此天與禹者即是浴書也漢 易繋辭云河出圖洛出書聖人則之九類各有文字即 水土治口平五行叙曰成水既治五行叙是治水失道 列皆亂也大禹謨帝美禹治水之功云地平天成傅云 為亂五行也 一卦是也禹治洪水錫洛書法而陳之洪範是也先達 九孔調神龜負文緯以前固有此說

負文而出列於背有數從一而至於九禹見其文遂因 之書不知誰作通人討竅謂偽起哀平雖復前漢之未 **堯舜禹湯文武受圖書之事皆云龍負圖龜負書綠候** 共為此說龜負洛書經無其事中候及諸緯多說黃帝 得次叙也 始有此書以前學者必相傳此説故孔以九類是神龜 而第之以成此九類法也此九類陳而行之常道所以 +天賜大法九類之事

欠足の重人にする

尚書要義

易緊 解曰天一地二天三 地四天五地六天七地 大為中正之道次六曰治民用三等之徳次七曰明用 卜筮以考疑事次八曰念用天時聚氣之應驗次九曰 次二日敬用在身五種之行事次三日厚用接物八品 正義曰天所賜禹大法九類者初一曰五材氣性流行 政教次四日和用天象五物之綱紀次五日立治用 勘人用五福威沮人用六極此九類之事也 五行數起於陰陽陰陽往來在日道

欠い回うくいう 往冬水位也以 數也易繫許人口天數五也數五五位相得而各有合 九 地十 此即是五行生成之數天一生水地二生火天 一所以成變化而行鬼神謂此也又數之所起起於陰 陰無偶故地六成水天七成火地八成木天九成金 上木地四生金天五生土此其生數也如此則陽 陰陽往來在於日道十一月冬至日南極陽來而陰 十成土於是陰陽各有匹偶而物得成馬故謂之 陽生為水數五月夏至日北極陰 尚書要義

為木數夏至以及冬至當為陰進八月為秋金位也四 及於夏至當為陽來正月為春木位也三陽已生故三 無著生於微及其成形亦以微著為漸五行先後亦以 陰已生故四為金數三月春之季四季土位也五陽户 必以偶故以六月二陰生為火數也是故易說稱乾自 生故五為土數此其生數之由也又萬物之本有生於 於十一月子坤貞於六月未而皆左行由此也冬至以 而陽退夏火位也當以一 陰生為火數但陰不名竒

ייתום וירו בליוח או 王肅 曰水之性潤萬物而退下火之性炎盛而升上木 傳言其自然之常性正義曰易文言云水流濕火就燥 七木成數八金成數九土成數十義亦然也 氏皆以為水火木金得土數而成故水成數六火成數 為三金體固為四土質大為五亦是次之宜大劉與顧 可以操令曲直金可以從人改更言其可為人用之意 做著為次五行之體水最微為一火漸著為二木形實 +五行之常性 尚書要義

上言曰者言其本性此言作者從其發見指其體則稱 海沒其旁也使之鹹也月令冬云其味鹹其臭朽是也 上趣陽木金陰陽相雜故可曲直更改也 炊爨亦可知也水既純陰故潤下趣陰火是純陽故炎 水性本甘久浸其地變而為鹵鹵味乃鹹說文云鹵西 也由此而觀水則潤下可用以灌溉火則炎上可用以 方鹹地東方謂之斥西方謂之鹵禹貢云海濱廣戶是 1,水性本甘久則變為鹵乃鹹

大足り事人に与 恭之罰高宗雊雉之下云耳不聰之異皆書傳之文也 傳伏生之書也孔於太戊桑穀之下云七日大拱貌不 五行傳曰貌屬木言屬金視屬火聽屬水思屬土五行 榖榖是土之所生故甘為土之味也 金之在火别有腥氣非苦非酸其味近辛甘味生於百 曰致其類即言作下五事無徵言曰作者義亦然也 **五行傳論五屬伏生之書孔屢取之** 叶金 味近辛甘生於穀土所生 尚書要義

北方坎為耳耳聽聲也土在內猶思在心亦是五屬之 容貌也西方兑為口口出言也南方離為目目視物也 **愿而萬事成故思屬土又於易東方震為足足所以動** 光故視屬火水內明故聽屬水土安静而萬物生心思 之容故貌屬木言之次斷若金之斬割故言屬金火外 孔 取書 傳為說則此次之意亦當如書傳也木有黃葉 以昏旦中星叙二十四氣

人之一口上二人二一 尚書要義 二十八宿布於四方隨天轉運昏明迭見月令十二月 成三百六十五日有餘分為十二月有二十四氣一為 虚中旦柳中孟冬昏危中旦七星中仲冬昏東壁中旦 孟秋昏建星中旦早中仲秋昏牵牛中旦衛中季秋昏 中旦婺女中仲夏昏亢中旦危中季夏昏心中旦奎中 皆紀唇旦所中之星若月令孟春昏於中旦尾中仲春 勢中季冬昏 婁中旦氏中皆所以叙氣即也氣即者一 唇弧中旦建星中季春唇七星中旦牽牛中孟夏昏異

與日會因謂會處為辰則月令孟春日在營室仲春日 謂也對曰日月之會是謂辰會者日行進月行疾俱循 **地七年左傳晉侯問士文伯曰多語寡人辰而莫同何** 節氣謂月初也一為中氣謂月半也以选見之星叙此 在奎季春日在問孟夏日在畢仲夏日在東井季夏日 天度而右行二十九日過半月行一周天又前及日而 月之節也 十星辰調日月所會鄭謂五星非

成三百六十五度有餘日月右行循此宿度日行 五星也 星五星也然五星所行下民不以為候故傳不以星為 天以積氣無形二十八宿分之為限每宿各有度數合 子丑寅卯之謂也十二辰所以紀日月之處也鄭以為 尾仲冬日在丰季冬日在婺女十二會為十二辰辰即 柳孟秋日在真仲秋日在角季秋日在房孟冬日在 八天無形以二十八宿分十二次

ヤランコーショー 尚書要義

其度多每月之所統其日入月 朔参差不及即氣不得 時王肅云日月星辰所行布而數之所以紀度數是也 在月朔中氣不得在月半故聖人歷數此節氣之度使 則每次三十度有餘一次之內有節無中氣次之所管 日 於一會謂之一月是一歲為十二月仍有餘十一日為 月行十三度有餘二十九日過半而月一周與日會每 知氣所在既得氣在之日以為一歲之歷所以敬授民 行天未周故置閏以充足若均分天度以為十二次 巷

歲日月星傳皆言紀歷數不言紀者歷數數上四事為 私無阿黨王家所行之道湯湯然開闢矣無阿黨無偏 通數以為五耳 こうできるこう 正道無有亂為私惡濫罰善人動循先王之正路無偏 循先王之正義無有 亂為私好谬赏惡人動循先王之 正義曰更言大中之體為人君者當無偏私無陂曲動 紀所紀非獨一事故傳不得言紀但成彼四事為紀故 九釋無作好惡無黨無偏等義 尚書要義

金万匹丘全書 霧如雨止者雲在上也字聲近蒙詩云零雨其歲則淡 中之道而行之若其行必得中則天下歸其中矣 法也說文云霧雨止也霧似雨止則雨似雨下鄭玄曰 此上五者灼龜為兆其學拆形狀有五種是下兆之常 王家之道正直矣所行得無偏私皆正直者會集其有 私王者所立之道平平然辯治矣所行無反道無偏側 間之義故以零為兆蒙是陰閣也置即釋也故以為 **1-龜兆之形有五孔王鄭以意言** 

意説未知孰得其本今之用龜其兆横者為土立者為 者如雨氣色相侵入卜筮之事體用難明故先儒各以 王肅云兆相侵入益兆為二拆其拆相交也鄭玄云克 鬱鬱冥冥也自以明闇相對異於孔也克謂兆相交錯 其意如孔言鄭玄以圖為明言色澤光明也家者魚澤 てつうことはつ ! 王肅云圍霍驛消滅如雲陰雲天氣下地不應間冥也 **驛亦相對故驛為落驛氣不連屬則事為氣連蒙閉也** 兆氣落驛不連屬落驛希跳之意也雨霧既相對則蒙· 尚書要義

金グロノ 為本因而重之故以下卦為貞貞正也言下體是其正 為悔也筮法及從下起故以下體為內上體為外下體 為山其占云蠱之貞風也其悔山也是內卦為貞外 徒父筮之其卦遇盡盡卦異下艮上 知與此五者同異 木斜向徑者為金背徑者為火因兆而細曲者為水不 内卦至曰悔正義曰僖十五年左傳云秦伯代晉 內卦貞外卦晦言下體是正 一說卦云異為風艮

欠之日東京日 而筮少占用二者以貞悔占六之行心者當推行其至 謂貞悔也指謂筮事王肅云下五者筮短龜長故卜多 此經卜五占用二行忒孔不為傳鄭玄云卜五占用謂 雨霧蒙驛克也二行忒謂貞悔也斷用從上句二行忒 上體是其終也下體言正以見上體不正上體言終以 鄭玄云悔之言晦晦猶終也晦是月之終故以為終言 見下體為始二名互相明也 一卜五占用二總言行忒鄭斷用從上句 尚書要義

曰瓦兆三曰原兆掌三易之法一曰連山二曰歸厳三 立卜筮人也 是知卜筮人使為卜筮之事者言經之此文覆述上句 義以極其意卜五占二其義當如玉解其行忒宜總謂 曰周易杜子春以為王兆帝 顓頊之兆瓦兆帝堯之兆 卜筮皆當行其義極其變非獨筮行而卜否也傳言立 並法當有三人周禮太下掌三兆之法一日玉兆 <u>1.立卜筮三人用三代法三人從二</u>

大字可新心時可以 法三法並卜法有一人故三人也從二人之言者二人 易必是三代異法故傳以為夏殷周卜筮各異三代異 易對亦云夏曰連山殷曰歸藏與孔同也所言三兆三 代之名案考工記云夏曰世室殷曰重屋周曰明堂又 明三易亦夏殷周相因之法于春之言孔所不取鄭玄 禮記郊特姓云夏收殷悍周冕皆以夏殷周三代相因 必以三代夏殷周法者以周禮指言一曰二曰不辯時 又云連山處議歸蔵黃帝三兆三易皆非夏殷而孔意 尚書要義

習古儀禮士喪下葬占者三人貴賤俱用三龜知下並 **筮不然故又云卜筮各三人也經惟言三占從二何知** 並用三代法也 為善既鈞故從衆也若三人之內賢智不等雖少從賢 不從衆也善鈞從衆成六年左傳之既言三法並卜媽 有疑則當卜筮人君先盡已心以謀慮之次及鄉 法而三占而知三法並用者金滕云乃卜三龜 先謀乃心次卿士庶人後卜筮

金グレノ

ここうこう シェデー 夫及士帝卿文以見之矣周禮小司寇掌外朝之政以 及之也大疑者不要是彼三詢其謀及則同也謀及無 是有大疑而詢衆也又曰小司寇以叙進而問馬是謀 致萬民而詢馬一日詢國危二日詢國遷三日詢立君 後言卜筮也鄭玄云卿士六卿掌事者然則謀及卿士 衆民人謀猶不能定然後問下筮以决之故先言乃心 以卿為首耳其犬夫及士亦在馬以下惟言庶人明大 人必是大事若小事不必詢於萬民或謀及庶人在官 尚書要義

民分三者名為一從二逆姓其貴贱有異從逆或殊故 惟言卿士者彼將斷獄令衆議然後行刑故臣與民為 臣二曰訊羣吏三曰訊萬民彼羣臣羣吏分而為二此 者耳小司寇又曰以三刺斷庶民獄訟之中一曰訊羣 此與下二事皆是三從二逆除龜筮以外有汝與士無 三其人主待衆議而决之此則人主自疑故以人主為 又總羣臣為一也 **丘言三從二逆為吉不言四從吉可知** 

金万四屋全世

1/2/10 101 1/1/10 1V 如龜筮俱從猶勝下龜筮相違二從三逆必知然者以 違亦為古以其從者多也若三從之內龜筮相違雖不 汝則於下傳解其意卿士從者君臣不同也庶民從者 者為主故次言卿士從下言庶民從也以從為主故退 四從一逆者吉可知不假言之也四從之內雖龜策相 三者各以有一從為主見其為吉同也方論得吉以從 民與上異心也解臣民與君異心得其策之意也不言 下傳云二從三逆龜莖相違既計從之多少明從多則 尚書要義

吉故也此經龜從筮遊其筮從龜逆為吉亦同故傳言 未必謀應長故通以民為一令與君臣等也 人言民見其同也民人之賤得與如士敵者貴者雖貴 於人也上言庶人又言庶民者嫌庶人惟指在官者變 冠婚外謂境外故不可以出 師征伐征伐事大此非大 吉故杜預云龜筮同鄉士之數者是龜筮雖靈不至越 一從三逆為小吉故猶可舉事內謂國內故可以祭祀 六二從三逆循可舉事而內吉外山

アルロロセンはは 此聖人演筮為易所知豈是短乎明彼長短之說乃是 智以蔵往然則知來蔵往是為極妙雖龜之長無以如 之下人欲令公舍筮從下故曰筮短龜長非是龜實長 龜筮相違見龜筮之智等也若龜筮智等而傷四年 也易緊解云著之德圓而神卦之德方以智神以知來 既不吉而更令筮之神靈不以實告筮而得吉必欲用 有為言耳此二從三逆以汝與龜為二從耳即士庶民 左傳云筮短龜長者於時晉獻公將以曬姬為夫人卜 尚書要義

謀有 **筮從之理也前三從之內龜遊既從君與卿士庶民各** 若然汝卿士庶民皆逆龜筮並從則亦是二從三逆而 經無文者若君與臣民皆逆本自不問卜矣何有龜從 條或君與庶民從配龜又為一條或士庶民從配龜 配龜從為一條於經已具卿士配龜從為二條庶民 從以配龜筮凡有三條若惟君與卿士從配龜為 條凡有三條若筮從龜逆其事亦然二從三逆 從亦是二從凶吉亦同故不復設文同可知也

金罗巴屋人言言

案周禮筮人國之大事先筮而後上鄭玄云於筮之凶 配龜從為三條若筮從龜逆以人配筮其事亦同 七鄭謂筮凶則止與先筮後卜之說違

則止何有筮逆龜從及龜筮俱違者在靈恩以為延用 則止是也若三占二逆一從凶猶不决雖有並逆猶得 三代之占若三占之俱凶則止不卜即鄭注周禮筮凶 更卜故此有筵遊龜從之事或筵凶則止而不卜乃是

尚書要其

納王得阪泉之兆曰吾不堪也公曰筮之遇大有之睽 未决於事尚疑者則得更為卜筮僖二十五年晉侯卜 之等是為相襲皆據吉凶分明不可重為卜筮若吉凶 用並及國之大事先並後下不吉之後更作下筮如此 筮周禮太小小事 筮大事小應筮而又用小應小而又 又哀九年晉趙鞅卜枚鄭遇水適火又筮之遇泰之需 不相襲鄭云上不吉則人筮筮不吉則又上是謂瀆龜 一類是也周禮既先筮後下而春秋時先下後筮者不

金グでたノテモ

罰恒風惟木金水火沙土如彼五行傳言是雨屬木腸 恒雨惟金冷木言之不從是謂不人厥罰恒赐惟木珍 能禮故也 こうこうこう 屬金與屬火寒屬水風屬土鄭云雨木氣也春始施生 金視之不明是謂不哲厥罰恒與惟水沙火聽之不聽 ?謂不謀厥罰恒寒惟火沴水思之不虧是謂不聖厥 行傳說五事致此五氣云貌之不恭是謂不肅厥罰 人五行傅五事致五氣皇不極致常陰 Ī 尚書要義

金牙口人生言 故木氣為雨賜金氣也秋物成而堅故金氣為陽與火 大中則陰順時為休大之不中陰恒若為咎也 極厥罰常陰是陰氣不由五事别自屬皇極也益立用 非土不處故土氣為風是用五行傳為說孔意亦當然 氣也寒水氣也風土氣也凡氣非風不行猶金木水火 也六氣有陰五事休咎皆不致陰五行傳又曰皇之不 体各皆言若者其所致者皆順其所行故言若也易 紅在借豫急蒙與肅又哲謀聖對

次定四軍全書 一 鄭云急促自用也以謀者用人之言故急為自用已也 作舒鄭云舉遲也王肅云舒惰也以對照哲故為遲惰 聖也鄭玄以任為倨慢以對不敬故為慢也鄭王本豫 應故知天氣順人所行以示其驗也其咎及於休者人 行必急躁故多對謀也性不通晚則行必家屬故蒙對 人也明不照物則行自逸豫故豫對哲也心無謀慮則 君行不敬則狂妄故狂對肅也政不治則偕差故借對 文言云雲從龍風從虎水流濕火就燥是物各以類相 尚書要義

教用成人用明歲月日時無易則百穀成君臣無易則 吏分治其職如日之有歲月歲月日時無易各順常百 瞽蒙所見問亂言其不晚事與聖反也與孔各小異耳 政治明俊民用章家用平康賢臣顯用國家平寧 惟 鄭云蒙見月亂也王肅云蒙瞽蒙以聖是通達故蒙為 月卿士各有所掌如月之有别師尹惟日衆正官之 王省惟歲王所省職魚所總羣吏如歲魚四時鄉士 + 歲月日時無易猶君臣順常

大いりったいる 長故師尹之名同耳 士之下里於即士知是大夫與小官為長亦是衆官之 此以師尹為正官之吏謂大夫者以此師尹之文在卿 下官之長此之類也此等分治其職屬王屬即如日之 與其同類之官為長周禮大司樂為樂官之長大卜為 師衆也尹正也象正官之吏謂卿士之下有正官大夫 有歲月言其有繁屬也詩稱赫赫師尹乃謂三公之官 三詩之師尹謂三公此謂大夫 尚昌原義 Ī

上三十六度南極入地下三十六度南極去北極直徑 常法張衡察邕王蕃等說渾天也皆云周天三百六十 言之日月之行冬夏各有常度喻人君為政小大各有 金グロルイニ 十二度殭正當天之中央南北二極中等之處謂之亦 五度四分度之一天體圖如彈九北高南下北極出地 日月之行四時皆有常法變冬夏為南北之極故舉以 一百二十二度弱其依天體隆曲南極去北極一百八 三日月行黄赤道及南北極相去之數

一十五度日行黑道從夏至日以後日漸南至秋分還 次三四五三百一 道相去六度此其日月行道之大略也王肅云日月 道又有月行之道與日道相近交絡而過半在日道之 六十七度去北極一百一十五度其日之行處謂之首 裏半在日道之表其當交則兩道相合交去極遠處兩 行赤道與春分同冬至行赤道之南二十四度去南極 至亦道之北二十四度去北極六十七度去南極一百 尚書要義

道去南北極各九十一度春分日行亦道從此漸北夏

以為箕星好風者箕東方木宿風中央土氣木克上為 月 **箕則多風傳記無其事鄭玄引春秋緯云月離於箕則** 天象之自然以箕為簸揚之獨畢亦捕魚之物故斗鄭 有常法以濟其民 揚沙作綠在孔君之後以前必有此說孔依用之也 行雖有常度時或失道從星經其多風離畢多雨此 云月離于畢伊滂沧矣是離畢多雨其文見於經經 三月離畢多雨經箕多風緯前必有此說 ĸ

亂也上云日月之行此句惟言月者鄭云不言日者日 スプロミニムナラ 從而從以致此風雨故喻政教失常以從民欲亦所以 妻從妻所好故好風也畢星好雨者畢西方金宿雨東 方木氣金克木為妻從妻所好故好雨也推此則南宫 好赐北宫好燠中宫四季好寒以各尚妻之所好故也 '從星不可見故也 、知孔意同否,顧氏所解亦同於鄭言從星者謂不應 **匹好他天使之然好惡者謂惡是善** 尚書要義

成其短長之命以自然不横天者亦為福也 金グレノノー 言命之短長雖有定分未必能遂其性不致天枉故各 善故好之無厭任其所好從而觀之所好者他是福之 傳各成至横天正義曰成十三年左傳云民受天地之 道也好德者天使之然故為福也 好善者或當知善是善好惡者不知惡之為惡謂惡是 ·以生所謂命也能者養之以福不能者敗以取禍是 丘考其命以自終亦為福

欠了可事的可! 枉之名未截日凶未冠曰短未婚日折漢書五行志云 謂殃厄勞役之事為辛苦也鄭玄以為凶短折皆是天 傷人曰凶禽獸曰短草木曰折一曰凶天是也兄丧弟 日短父丧子曰折並與孔不同 三十辛苦者味也辛苦之味入口循困厄之事在身故 傳以壽為百二十年短者半之為未六十折又半為未 t.鄭以五事 配五福五極以皇不極配弱 六凶短折诸解不同孔云辛苦 尚書要義 Ė

而保命故壽若蒙則不通為神天性所以短折也聽聰 則致康寧言從則致攸好德貌恭則致考終命所以然 者不但行運氣性相感以義言之以思春則無極神安 極之罰反此而云王者思審則致壽聽聰則致富視明 憂言不從之罰貧聽不聽之罰惡貌不恭之罰弱皇不 毅口弱言其志氣弱也五行傳有致極之文無致福之 事鄭玄依書傳云凸短折思不春之罰疾視不明之罰 **匹劣並是弱事為筋力弱亦為志氣弱鄭玄云思懦不** 

子、グレノニ

武王既勝殷邦諸侯班宗奏賦宗廟奏器酒鎮賜諸侯 性得而安寧不明以擾神而疾也言從由於德故好者 The sold the interest 作分獨言諸侯尊甲各有分也亡正義曰篇名分罷知 徳也不從而無徳所以憂耳貌恭則客儼形美而成性 亦孔所不同也 以終其命容毀故致惡也不能為大中故所以弱也此 謀當所求而會故致富達而失計故貧也視明照了 三分罷名篇言尊里各有分 尚書要前

金グで屋とこと 昔我先王熊釋與吕伋王孫牟燮父禽父並事 康王四 其篇言諸侯尊卑各有分也此十二年左傳楚靈王云 國皆有分我獨無十五年傳曰諸侯之封也皆受明器 於王室杜預云謂明德之分罷也是諸侯各有分也亡 尚書要義卷十

欽定四庫全書 尺三口口八字 原闕 尚書要義卷十二 宋 魏了翁 撰

| 金ラレックハコン |
|----------|
|          |
| 15       |
| 15       |
| 1/       |
| 1        |
| -12      |
| 1 15     |
| 1/-      |
|          |
| 17-      |
| ٦        |
| 1 %      |
| į        |
| L_       |
|          |
|          |
| r        |
| 1        |
| 1        |
|          |
| 1        |
| ١.       |
|          |
| 者十二      |
| 1        |
| - 1      |
| _        |
| 1        |
| 1        |
| - F      |
| 1        |
| i        |
|          |
| - 1      |
|          |
| 1        |
| 1        |
| - 1      |
| - 1      |
|          |
| )        |
|          |
| - 1      |
| - 1      |
| ŀ        |
| i        |
| - [      |
|          |
| <br>     |
|          |
| <br>     |

欽定四庫全書 少足四華全等 -原闕 尚書要義卷十三 宋魏了翁 撰

|     |   | -       |    |                                       |   |   |
|-----|---|---------|----|---------------------------------------|---|---|
|     | Ī | ľ       | 1  |                                       |   |   |
| !   |   | ]       |    |                                       |   |   |
| 1 1 |   | 1       | )  |                                       |   | 1.  |
| 1 1 |   | 1       |    |                                       |   |   |
| !   |   |         |    |                                       |   | -   |
|     | - | 1       |    |                                       |   |   |
|     |   | 1       |    |                                       |   |   |
| 1 1 |   |         |    |                                       |   | <b>ب</b> ا                                    |
|     |   |         |    |                                       |   |   |
|     |   |         |    |                                       |   | ļ.  |
|     |   |         |    |                                       |   | . 🗾   |
| 1   |   |         |    |                                       |   | · [   |
|     |   |         |    |                                       |   |   |
| !   |   | 1       |    |                                       | 1 |   |
| !   |   | 1       |    |                                       |   | 1   |
| j   |   | 1       |    |                                       | 1 |   |
|     |   | İ       |    |                                       |   | , <u>, , , , , , , , , , , , , , , , , , </u> |
| }   |   |         |    |                                       | ŀ | ] =   |
|     |   |         |    |                                       | ļ |   |
|     |   |         | ţ  |                                       |   |   |
|     | 1 | 1       |    |                                       | ĺ |   |
| i   | ļ | 1       |    | l                                     |   |   |
| 1   |   |         | .[ |                                       |   |   |
|     | Ì | 1       | Ì  | ]                                     |   | ]   |
|     | 1 |         |    |                                       | Ì | l. l  |
|     |   | 1       | ì  |                                       | 1 |   |
|     | 1 | 1       | 1  | }                                     |   | 1   |
|     | 1 | 1       |    | ĺ                                     | 1 |   |
|     | } |         | }  | 1                                     | } | 1   |
|     | 1 | 1       | 1  |                                       | 1 |   |
|     |   |         | 1  |                                       |   |   |
|     |   |         | 1  | 1                                     |   |   |
|     |   |         | 1  | 1                                     | 1 |   |
|     |   | <u></u> |    | · · · · · · · · · · · · · · · · · · · |   |   |

次定四車至子 欽定四庫全書 原闕 尚書要義卷十四 宋 魏了翁 撰

|  |  |  |  | シーマルと言 |
|--|--|--|--|--------|
|  |  |  |  | 卷十四    |
|  |  |  |  |        |

詳校官監察御史臣查善長

通政使司副使臣莫瞻菜覆勘

校野官中書臣王慶長總校官進士臣朱 鈴 總校官進士臣朱 **腾銀點生臣王** 錫

九日東 山馬 致定四庫全 作多士多士所告者即東士故以名篇正義日成周 故徒近王都教誨之周公以王命語稱王成命告令 無逸 謂殷大夫士或云此都之民非 小都遷殷頑民殷大夫心不則德義之 尚書要義 魏了翁 撰

道故名此邑為成周漢書地理志及實達注左傳旨以 之邑既成乃遷殷之碩民令居此邑頹民謂殷之大夫 為遷鄉鄘之民於成周分衛民為三國計三國俱是從 士從武底叛者以其無知謂之碩民民性安土重遷或 洛陽也洛邑為王都故謂此為下都遷殷頑民以成周 有怨恨周公以成王之命告此衆士周之成周於漢為 一色能容民謂之為士其名不類故乳意不然 何以獨遷北鄘北郡在殷畿三分有二其民衆矣非

大正日前 人口 南臨浴水故云新邑洛周公既以致政在王都故新邑 成也王以周公攝政七年十二月来至新邑明年即政 公親至成周告新来者以洛語之文成周與各邑同時 惟三月周公初于新邑洛用告商王士周公致政明年 成周以成王之命告商王之衆士鄭云成王元年三月 此篇繼王居洛之後故知是致政明年之三月也成周 三月始于新邑洛用王命告商王之衆士正義曰言周 二周公告士在致政明年鄭云成王元年 尚書要花

金けでんとう 周公自王城初往成周之邑用成王命告殷之衆士以 亦云翼取也郭云翼同驅也非我周敢驅取汝殷之王 此經大意叙其去殷事周知其故爾東士言其臣服我 撫安之是也 國 射也射而取之故弋為取也鄭云王肅本弋作翼王 雖訓為驅亦為取義周本殷之諸侯故周公自稱小 三非我敢大殷命謂射而取之 卷十五

襄十四年左傅稱天之爱民甚矣又曰天生民而立之 我聞曰上帝引送有夏不適送則惟帝降格言上天欲 故上天下此至戒以譴告之降下格至也直言下至明 之長逆樂也夏桀為政割剥夏邑使民不得共適逆樂 君使司收之是言上天欲民長得逸樂故立君養之使 民長逸樂有夏禁為政不之逸樂故天下至戒以證告 之正義曰既言天之去惡與善更連說往事比而喻之 四上帝欲民長逆有夏不適途

アニコラー人生

尚書要義

金りじんだる 是天下至戒 惟爾知惟殷先人有冊有典殷草夏命言汝所親知殷 今爾又曰夏廸簡在王庭有服在百僚簡大也今汝又 先世有典書典籍說殷改夏王命之意 任用子一人惟聽用德肆予敢求爾于天邑商言我周 曰夏之衆士蹈道者大在殷王庭有服職在百官言見 六般人以般 用夏士望于周 五般有典冊說殷改夏命殷士所知 发十五

沙定四庫全書 王曰多士昔朕來自在予大降爾四國民命告我来從 義是以徒居西汝置於洛邑近於京師教誨汝也從殷 告爾多士予惟時其遷居西爾遷使居西正欲教以 適洛南行而西迎故為居西也 法放家惟聽用有德故我敢求汝於天邑商将任用 七從殷適洛南行西迴故云居西 八周公東征王不親行而王言肯朕來自奄 尚書要義

奄也民以君為命故民命謂君也大下汝民命謂誅四 國君王肅云君為民命為君不能順民意故誅之也 **誅三監後代奄與淮夷奄誅在後誅奄即来故言來自** 師還亦是王来還也一舉而誅四國獨言来奄者謂先 不親行而王言我來自奄者周公以王命誅四國周公 謂誅四國君正義曰金縢之篇說周公東征言居東二 在謂先該三监後代在淮夷民命謂君也大下汝民命! 年罪人斯得則告我來從奄者謂攝政三年時也於時

年於此浴邑言由洛修善得還本土有幹有年爾小子 惟是敬順居汝邑繼汝所當居為則汝其有安事有豐 今爾惟時宅爾邑繼爾居爾殿有幹有年于兹洛今汝 九有幹有年于兹洛孔王義異

為問繼其本土之事業也但能如此得還本土其有安 戒之今汝惟是敬順居汝新所受邑繼汝舊日於當居 曰殷士遠離本鄉新来此邑或當居不安為棄舊常故 万與從爾遷汝能敬則子孫乃起從汝化而遷善正義

次三四草してる

尚書要義

第以先後為序多士君與皆是成王即位之初知此篇 無逆成王即政恐其逸豫故以戒名篇正義曰篇之次 為云爾乃尚有爾本土是該引之解故止為得還本土 者言由在浴修善得還本土有幹有年也王肅云汝其 事有豐年也有幹有年謂歸本土有幹有年而言於洛 有安事有長久年於此洛邑王解於文甚便但孔上句 有幹有年也 十以多士君奭知無逸作於成王初政

をランノと言

卷十五

壽為戒周公曰嗚呼我所聞曰告在殷王中宗威儀嚴 誕父母不欺則輕侮其父母曰古老之人無所聞知 子既不知父母之勞乃為逸豫遊戲乃叛諺不恭已欺 ストンコーに上いる 一 乃逸乃諺既誕否則侮厥父母昔之人無聞知小人之 是成王始初即政 正義曰既言君子不逸小人反之更舉前代之王以天 十一乃逸乃諺既誕否則侮父母 十二大戊廟號中宗以不逸享國七十五年 尚書要義

正義日待久也在即位之前而言久勞於外知是其父 尊其德其廟不毀故稱中宗 漸衰至此王而中與之王者祖有功宗有德殷家申世 得歷年長也中宗廟號大戊王名商自成湯以後政教 自安故中宗之享有殷國七十有五年言不逸之故而 恪貌恭心敬畏天命用法度治民敬 身畏懼不敢荒怠 小乙使之久居民間勞是稼穑與小人出入同為農役 十三髙宗篟勞于外在喪不言言而天下和

金只正上八二十

善之也曰髙宗者武丁武丁者殷之賢王也繼世即位 髙宗該閣三年不言善之也王者莫不行此禮何以獨 既為太子更得與小人雜居也言起其即王位則小乙 不可以非常怪之於時益未為太子也殷道雖實不可 而慈良於丧當此之時殷衰而復與禮廢而復起故載 取也亮信也陰默也三年不言以舊無功而今有故言 乃有說此事者言其孝行著也禮記丧服四制引書云 小人之艱難事也太子使與小人同勞此乃非常之事

火足四年主

尚書要義

言在三年之外故云在丧則其惟不言丧畢發言則天 鄭玄云其不言之時時有所言則奉臣诣和指鄭玄意 言除喪猶尚不言在喪必無言矣 謂此言乃雍者在三年之內時有所言也乳意則為出 之於書中而萬之故謂之高宗三年之丧君不言也 下大和知者說命云王宅憂亮陰三祀既免喪其惟不 十四鄭謂言乃雖在丧三年內與孔異 十五祖甲舊為小人爰知小人之依

少と口事人 侮慢惧獨肆祖甲之享國三十有三年太甲亦以知小 為小人之行伊尹放之桐及其即位爰知小人之依能 甲在下殷家亦祖其功故稱祖 位於是知小人之所依依仁政故能安順於衆民不敢 保恵子庶民不敢侮鰥寡在桐三年思集用光起就王 人之依故得九年此以德優劣立年多少為先後故祖 其在祖甲不義惟王禧為小人湯孫太甲為王不義久 十六鄭以祖甲為帝甲因安言武丁廢子事 尚書要義

崩弟祖甲立是為帝甲淫亂般道狼衰國語說殷事云 帝甲亂之七代而殞則帝甲是淫亂之主起亡殷之源 以武丁之明無容廢長立少祖庚之賢誰所傳說武丁 寧當與二宗齊名舉之以戒無逸武丁賢王祖庚復賢 間故云久為小人案殷本紀云武丁崩子祖庚立祖庚 兄祖庚賢武丁欲廢兄立弟祖甲以此為不義逃於人 廢子事出何書妄造此語是勇武丁而誣祖甲也 王肅亦以祖甲為太甲鄭玄云祖甲武丁子帝甲也有

金りしん 合言

或十年或七八年或五六年或三四年高者十年下者 諸書皆言太甲此言祖甲者殷家亦祖其功故稱之祖 甲與二宗為類惟見此篇必言祖其功亦未知其然殷 必祖其功而存其廟也 之先君有祖乙祖辛祖丁稱祖多矣或可號之為祖未 三年言逸樂之損毒 十八自是三王而後皆以選樂損毒 十七太甲以祖其功稱祖然殷稱祖者多 尚書奏光

金少正人人 文王受命惟中身厥享國五十年文王九十七而終中 則是謂過中而斜是也是亦名昳言日蹉跌而下謂未 則人之常食在日中之前謂辰時也易豐卦彖曰日中 正義曰胎五年左傅云日上其中食日為二旦日為三 身即位時年四十七言 中身舉全數 時也故日之十位食時為辰日昳為未言文王勤於政 二十文王勤政自朝至日中景不服食 十九文王即位年四十七故言中身

中是並言之傳樂晚時故惟言時追亦服也重言之者 教以衰諸侯嗣位何必皆待王命受先君之命亦可也 古人自有復語猶云艱難也所以不暇食者為思慮政 經言受命者鄭玄云受殷王嗣位之命然殷之末世政 事用旨和萬民 事從朝不食或至於日中或至於日是猶不服食故經 二十一文王受命鄭云受殷王命

C. Ward True

王肅云文王受命嗣位為君不言受王命也

尚言要義

金けばたんこ 傅意訓淫為過鄭玄云淫放恣也淫者浸淫不止其言 教民非所以順天是人則大有過矣 **您無敢自暇曰惟今日樂後日止夫耽樂者乃非所以** 無皇日今日恥樂乃非民攸訓非天攸若時人不則有 雖殊旨是過之意也言觀為非時而行達禮觀物如春 秋隱公如棠觀魚莊公如齊觀社殼梁傅曰常事曰視 二十三母過於觀逸遊田以萬民當正身供待之 二十二曰今日耽樂乃非教民非順天有過

遊田也 大元日五人二百一 徳 萬民皆聽王命王者惟當正身待之故不得淫於觀逐 謂遊湯田謂畋獵四者皆異故好事言以此訓用也用 凶謂之酚酌是飲酒而益凶也言紂心迷亂以酗酒為 正義曰弘從酉以山為聲是私為凶酒之名故以酒為 非常曰觀此言無淫子觀禁其非常觀也逐謂逐強遊 二十四紂迷亂酗于酒德酗為凶酒之名 尚旨要我

法至于小大無不變亂言已有以致之民否則厥心違 事如此其不聽者是不聽中正之君也既不聽中正則 其不聽中正之君人乃教之以非法乃變亂先王之正 好聽邪佞知此乃訓之者是邪佞之人訓之也邪佞之 否則其口祖祝言皆患其上正義曰上言善事此說惡 怨否則厥口詛祝以君變亂正法故民否則其心違怨 此厥不聽人乃訓之乃變亂先王之正刑至於小大此 二十五不聽中正至於民心違怨口祖祝

多りに人人言

開君所任同己由己之間致此佞人言此閣君己身有 先王之正法至于小大無不變亂言皆變亂正法盡也 加殃咎也以言告神謂之祝請神加殃謂之詛襄十七 以致之也違怨謂違其命而怨其身詛祝謂告神明令 祝意小異耳 必反正道故言人乃教之以非法閣君即受之變亂 左傅曰宋國區區而有祖有祝詩曰使祖侯祝是祖 一十六四人廸哲小人怨詈則皇自敬德

尺三日百二二五 ·

小同情母子

言而嘆曰嗚呼自殷王中宗及祖甲及我周文王此四 此厥不聽人乃或轉張為幻曰小人怨汝詈汝則信之 過則曰是我之過民信有如是怨詈則不啻不敢含怒 汝爲晉汝既聞此言則大自敬德更增修善政其民有 以罪被人乃從得數聞此言以自改悔言寬弘之若是 正義曰既言明君開君善惡相反更述二者之行周公 人者皆蹈明智之道以臨下民其有告之曰小人怨恨 二十七信讒含怒至於殺無辜以業怨

多グビノノニョ

ייל הילם וייםו לו ליום 罪殺無辜怨有同是業于厥身信說含怒罪殺無辜則 詭者不長念其為君之道不寬緩其心言含怒亂罰無 此其不聽中正之君有人訴惑之言小人怨憾註詈汝 及不長念其刑群 天下同怨鄉之業萃於其身正義曰王肅請辟為群扶 則信受之則若時不永念厥辟不寬綽厥心則如是信 尚書要表

| 尚書要義卷十五 |  |  | 金牙匠人工工      |
|---------|--|--|-------------|
|         |  |  | &<br>+<br>L |
|         |  |  |             |
|         |  |  |             |